



UNIVERSITÄTS-
BIBLIOTHEK
PADERBORN

Universitätsbibliothek Paderborn

Reginonis Abbatis Prumiensis Libri Duo De Ecclesiasticis Disciplinis & religione Christiana

Regino <Prumiensis>

Parisiis, 1671

187. Ut fideles ante horam tertiam non prandeant.

urn:nbn:de:hbz:466:1-14622

De eadem re. *Ex decretis sancti
Benedicti.*

Psal. 118.
Regula S. Be-
ned. c. 16.
Burchard. lib.
2. c. 105.

CLXXXV. Ut ait Propheta, *Septies in die laudem dixi tibi.* Qui septenarius numerus à nobis sic implebitur, si matutino, primæ, tertiæ, sextæ, nonæ, vespere, completorii- que tempore nostræ servitutis officia persolvamus: quia de eis dixit Propheta. Nam de nocturnis vigiliis idem ipse ait: *Media nocte surgebam &c.* Ergo his temporibus referamus laudes creatori nostro super judicia justitiæ suæ.

Psal. 118.

Ex Concilio Venetico.

Concil. Vene-
tic. c. 14.
Burchard. lib.
2. c. 153.

Clericus qui intra muros civitatis manet, & eo die matutinis hymnis sine ægritudine defuerit, septem dies à communione habeatur extraneus.

Ut Missæ ante horam tertiam non celebrentur. *Ex epistola Telesphori Papæ.*

Burchard. lib.
3. c. 63. &
Dist. 1. de con-
secr. c. 48.

CLXXXVI. Missarum celebrationes ante horam diei tertiam minimè sunt celebrandæ, (quia eadem hora & Dominus crucifixus est, & super Apostolos Spiritus sanctus descendisse legitur) excepta nocte sanctæ nati- v-
tatis.

Ut fideles ante horam tertiam non prandeant.

Addit. 1 v.
c. 49.
Burchard lib.
2. c. 185. &
Di. 44. c. 12.

CLXXXVII. Non oportet Clericos vel laicos religiosos ante sanctam horam diei tertiam inire convivia, neque aliquando Cle-

DE ECCLES. DISCIPLINIS. 95

ricos, nisi hymno dicto, edere panem, & post cibum gratias auctori Deo referre.

Ut sacramenta altaris à jejunis celebrentur.

Ex Concilio Africano.

CLXXXVIII. Ut sacramenta altaris non nisi à jejunis celebrentur, excepto uno die anniversario quo cœna Domini celebratur. Nam si aliquorum pomeridiano tempore defunctorum Episcoporum sive ceterorum commendatio facienda est, solis orationibus fiat, si illi qui faciunt jam pransi inveniuntur.

Conc. Afric.
c. 8.
Capitulare
Ahytonis
c. 10.

Ut post allocutionem Episcopi in Missarum solemnibus plebs ad orationem invitetur.

Ex Concilio Laodicensi.

CLXXXIX. Quòd oporteat seorsum primùm post allocutiones Episcoporum orationem super catechumenos celebrari. Et postquam catechumeni egressi fuerint, super eos qui sunt in pœnitentia precem fieri. His etiam accedentibus ad manum sacerdotis & discedentibus tres orationes consummari fidelium, ita ut prima quidem sub silentio, secunda verò & tertia per exclamationes solitas expleantur.

Concil. Lao-
dic. c. 19.
Burchard. lib.
2. c. 69.

De eadem re.

CXC. Oportet ut in diebus festis vel dominicis, post sermonem intra Missarum solemniam habitum ad plebem, sacerdos admoneat ut juxta apostolicam institutionem orationem omnes in commune pro diversis necessitatibus fundant ad Dominum pro Regibus

Vide infra c.
204. hujus
libri.
Burchard. lib.
2. c. 70.

Vide Amulo-
nem. epist. 1.